

後

湘

詩

集

後湘續集序

百川之水皆東注海海胥受之若無百川焉何水氣也山澤氣通川以成流流凝氣止與天而一如是海見故不見百川今天下人才亦百川乎其高下淺深近遠清濁亦江漢河淮源異視乎四者巨瀆其流雄貫天下才類四者難何論海然則人才將窮於海邪是不然夫三代人才疇測涯涘且衡自漢高祖初基人才勃淪蕭曹韓彭率川瀆耳海其張畱侯乎流極季世才駕中興吳魏之士智謀什百率亦川瀆耳海其諸葛忠武乎亂休治復更唐宋明應運之才載其一代雄者川瀆最雄者海代不乏人然論者意不能一略別其最唐殆郭汾陽李鄴侯李衛公乎宋殆韓魏公范文正李忠定乎明殆劉誠意于忠肅王文成乎此

其人皆進能安天下退不失一身勳名之際蕭然若無與
焉其閒稍次衛公奇冤忠肅是又颶颶剽發天水逆行元
氣於以剝蝕觀海者何咎哉烏虧余默求天下人才久矣
居恆感動慨惻厭棄鄉里走塵埃混販賈飢病窮山水險
奧荒寂冀有所遇嘗太息曰余足跡將徧天下游處率當
世豪士然僅得近古豪傑一人其惟桐城姚侯乎又嘗酒
後大言曰吾不能希蹤鄴侯殆衛公執役乎若姚侯者殆
文正文成流風乎聞者色變掩耳或面排謂今夫海之濱
味苦鹹色黝雜潮汐所蕩泥垢穢汚斥鹵不可耕稼猗綴
蚌螺蠣蛤形惡不供肴俎誠川瀆不若也然一氣無垠不
可億道里夕月朝日涵澹在中龍蜃之墟變幻樓閣大鰐
長鯨潛驪怪鱷時時出沒明珠美貝碧雞赤珊瑚返魂之草

不死之藥斐錯洲島飛仙神物空戲飈馳有神山三終古
莫能跡其千丈之檣萬斛之粟帆往絕國畫風夜歸蠻女
天豔賈胡雲來載石入市五都無識者川瀆斯何足論故
英雄未遇紳於人備時會之來若天獨眷自漢以下宏濟
艱難諸賢孰非可感動慨惻者哉姚侯少極貧讀書有蕭
弔之風及報官惠徧宗族戚友推於里鄒有義莊之澤卑
令窮海義抗貪謫大僚黜不夷節其後十年受特知廉訪
臺灣時事多虞鎮將驕閭推誠導勇執毅通權五載化其
一軍有重鎮西夏與李文靖相驩之度是時蓋道光庚子
辛丑壬寅閒西夷犯順東南城堡所向破殘將士子女玉
帛殺掠無數

天子震怒再命宗親賜將軍印討賊皆無功臺灣不時受

窺伺初畏侯戚泛舟游奕嗣再突犯經侯禽斬其酋及眾數百破舟獲械益恨重賄匪民納前銳布內應增集大幫期必雪恥侯復早覺捕戮無遺夷全師遁去累捷上聞天子嘉悅賜爵褒諭寵踰親臣東南士民聞之氣始壯然侯未嘗煩勞內地一兵卒也豫事制機臨事策力撫亂民爲義旅稍人和周地利讓勲名以不居故三馘強寇功速而勢安又有南韻破宸濠之略烏虜使文正文成而在侯其非二公所許乎侯今者卽以前功獲罪臺人如失父母中外言者多咎大臣余觀文正文成生平遭構陷蕭然之意遺外得失非第薄視動名也古人含宏應運之雄惟俟其知之矣侯少工詩詩多未遇前作服官以後壹意政事篇什蓋少壬寅屬序星紀已周悵侍檻車深觀譚論益信

與古爲徒之實非惟才大識精學博卽其詠歌偶寄忠愛
鬱然興象奔流注川瀆元氣渾淪際天海非才雄一世世
曷有是人哉然侯年益進功名益高而氣益斂下接待人
士自視欵然人莫能測其德量也余困扼科目頗類文饒
海氣跋扈駭甚藩鎮然會昌不遇一品難名營平泉而無
功遞崖州而無罪哀吟向侯其不爲秋水河伯乎道光癸
卯九月建甯後學張際亮

此亨甫從余寓京師宣武門外松筠菴病中作也未再旬
而卒所論雖過非所敢當然以遺外得失薄視動名相勉
粹然良友之言也而文特奇傑似杜樊川今以續集授梓
人而亨甫往矣不忍棄之故仍存此卷之首云爾己酉十
月展和記

後湘續集目錄

桐城姚 詩展和甫

卷一

毘陵孔道也壬辰之冬孟瀆三河大工未已漕艘畢集又以臺灣有事豫陝官兵絡繹南下供應騎將悍卒曉夜扁舟與夫役奔走河干者三月雖寒熱之疾屢作風雪中竟亦無害作此示從役諸人 平山堂下有作寄馬元伯 朱梅一首寄方植之 題周蔭

南卷子介存學博子也 丁酉六月十二日偕潘四

農毛生甫游金山放舟焦山宿松寥閣賦柬二君并示從游諸子 高夏寺夜舟 金帶圍 道光乙未

陳石士先生還京相見於丹徒舟中未逾年有歸道山之慟丁酉八月先生季子淮生過揚州以遺照屬

題 戊戌二月同伯印一兄學使謁十世祖德馨祠

於西湖又謁十二世叔祖昭感伯祠於蕭山兩祠皆

民思遺澤所建 嘉慶戊辰與李海帆宿理安寺後

三十年與左石僑毛生甫再游寄海帆時提刑山東

弱柳一首示吳獻之 酬吳寄山同獻之過仙霞

嶺有作 楓嶺杜鵑盛開 吳荷屋南嶽祭告圖

道光甲申望闕遊臺灣得一生玳瑁大徑五尺放之

海中更十四年戊戌四月以備兵再至舟近鹿耳門

數里白晝海而一物迎舟而來漸近則一徑丈大龜

背負白鶴向舟昂首而立波浪不興海平如鏡舟中

數十人咸訝之及舟而沒或曰是昔年玳瑁或曰非

也臺灣當太平海神遣迫使舟耳非哉

聖主威

靈曷以有此哉悚然有賦 戊戌至臺灣或餽素心
蘭四盆殊繁妙明年再華猶盛中出一枝一花兩葉
猶子以增謂是同心蘭余曰一華兩葉當爲異心何
同耶明日又出一枝八瓣而同蒂兩葉合抱余曰此
真同心矣嗟呼海外巖疆故稱多事其何以酬茲靈
異乎 巳亥五月十日病起登澄臺憶濟光內渡

卷二

奉逮內渡抵惠安縣 僑寓興化偕汪雅堂張竹虛
德生家晴峯濟光遊烏石巖遇雨歸飲寓齋 寓舍
海棠 蝶攢桂 雨次漁溪 旅店山丹屬客 坊
口曉發 汪雅堂召同張竹虛德生戴桂山家晴峯
登九仙山遊積翠寺時雅堂將之臺灣余當入都賦

別題劉芑川孝廉家譜外丁卯橋詩集至福州

喜晤楊笙友水部林梅友謝頑甫劉芑川三孝廉及亨甫弟子余柏溪茂才小集寓舍諸君各有詩文見贈旣登舟諸君復置酒洪山橋餞送作長句酬別是

時亨甫方遊河洛 舟夜 守水口號 六月九日

至浦城驛 楓嶺一名大竿嶺關侯廟中老僧覺悟乾隆二年死其身不壞僧徒及村眾塗以金而供奉之嘉慶三年好事者爲碑誌其事 廿八都 喜晤

家兄伯符時至吳門相候一月矣 重過山塘 鹿

春如召同張亨甫張竹虛陳榮叔陸次山家兄伯符集白公祠下時方七夕 陸次山巴山聽雨圖 次

山仿元人關山行旅圖 高郵謁貞應祠 譚菊農

且泊圖 伯符自吳門買舟相送至王營與余先後

患瘧再旬閏七月十日余登車北行兄亦南歸 得

家書言幼子濬昌爲余素食僊人禮佛祈保平安余

時不見已六年矣寄詩慰之 閏七月十二夜雨走

峒峿驛和亨甫見贈原韻 宿龔家城

途中讀張亨甫近詩漫題 獄中夜坐 出獄後九月十五日

偕鷹青一兄遊西山龍泉寺歷香界寺寶珠洞諸勝

還宿龍泉 閼魔巖 萬壽寺古名慧聚相傳唐武

德七年建遼道宗清甯中重修明改今額石戒壇在

焉 峴雲寺 梅伯言馬湘帆湯海秋王少鶴四戶

部何子貞編修陳頌南蘇賡堂朱伯韓三侍御疊次

召余同亨甫爲觴讌之樂九月二十六日復集蒹葭

閣蓋丙申年入都伯言湘帆置酒處也諸君各以詩文見贈余行有日輒成七律數章酬別 喜聞嶰筠

舊帥入關東伯言湘帆 出獄後聞今年正月臺諫

諸公先後上言爭臺灣事一時中外作詩著論者甚眾閣閣中亦多感詠近傳臺人復有輿論之刻自非

盛朝寬大何能有此感成一律 贈朱伯韓侍御

汪孟棠雲堂喚鐵圖 陳淮生金門宦隱圖 李

生歌 女史沈湘佩爲宗穆君畫牡丹紈扇 德州

道中

卷三

喜讀文鍾甫戴蓉洲二生詩卽題其集 與家繙周

景顏約遊浮山二月初十日夜宿石谿明至華嚴寺

微雨示寺僧 題馬元伯後出關圖庚寅歲所許今
始補之 葉松亭印譜 三月十五日赴蜀前二日
邀同馬元伯光律原家兄伯符弟緒周攜瀘昌遊谷
林寺微雨遲方植之不至 過武昌作 四月四日

舟泊漢陽風雨涉江偕友人攜瀘昌登黃鶴樓卽事
舟過枝江縣登岸循行村落閒風景閒曠男女意
甚恬適一家門首聯云安樂門庭春似海太平人物
壽如山非他處作常語也怡然久之爲詩十二韻

修辭 西京 午日泊松滋渡 唐二宗 入峽
秭歸 西陵峽 峽中作示同行諸子 黃陵廟
四神詠 空船峽 舟中口號 所見 壯遊 望
巫山十二峯 涉險一首示同行諸君 兩歲 三

峽 便風入巫峽 治神女峯下 明日仍乘風出峽

蜀中旅夜夢少穆舊帥還都言夷事縷縷覺而有感

潼川道中立秋 成都逢潘小江題其詩集 贈

陳息凡

鍾祥卜達庵

葆鋐

二明府

息凡見和奉贈

之作且送余西征依韻爲別 再疊前韻

翼日達

庵亦有和詩二章三疊前韻酬之

邛州 十月六

日至名山縣穆遠峯大令精阿贈茶 渡平羌江至

雅州晤余小坡太守 榮經縣 小關山 題丞相

嶺廟壁 雪中口占 十月十二夜宿瀘定橋 瓦

斯溝 頭道水 出鑪城寄示濬昌 飛越嶺示汎

卒 出鑪關答送行諸君 自折多山至提茹道中

阿嬢壩曉發 七月閒初至成都僦寓爲一聯語

揭室中云智常無礙須彌小心自能亨蜀道平今晨行火竹卡道中忽有所觸卒成一律余行月餘矣身歷邊外山川之險目覩夫馬長征之困慨然有感作烏拉行 裏塘宣 諭胡土克圖不悟東旋感賦

卷四

先董塙編修考陸放翁乙卯年七十一詩敘定放翁生於宣和七年乙巳十月十七日鑒以乾隆乙巳年十月初七日生道光乙巳二月五日展少陵先生及放翁之祀於草堂有感 三月十七日再出打箭鑪
南關 折多山雪 高日寺 八角樓桃花一株
西行所見刺麻寺多矣僧旣穢濁其誦經皆在喉閒初無音節鉦鼓喧振雜以鐃鈴使人厭聽 寓裏塘

僧樓卽景 與丁成之別駕寓裏塘小刺麻寺樓二
十餘日守齋乍雅諾門汗西行室僅盈丈一窗如竇
兩人坐臥相對戶外晨夕炊烟作馬牛糞味散行無
處口占示別駕謂之 代答 四月十二日士司餽

牛肉一塊飲酒未半醉陶然徑醉夢中忽成一律

四月十四夜雪讀衛藏圖識 裏塘烏鵲大於肥鷄
聲如鶴鶠不巢樹而棲人樓屋上甚可憎惡西俗人
死置諸野聽烏鳶啄食謂之天葬 頭塘曉起冒雪

登山 將至巴塘見松林口花樹二株一紅一白葉
似枇杷花皆一瓣數朵每朵十數小花合抱狀如蠟
梅磬口檀心特紅自異耳詢其名曰達麻花爲長句
賞之 巴塘端午 皮船行 空子頂一蕃官子年

丁二巳爲沙彌數載甚聰俊其父愛之延僧於家教
習梵誦清朗可喜地多綠鸚鵡時飛鳴檻外若有知
者 莽嶺 南墩夜月 江卡道中 五月二十三

日乍雅曉發望雪山 乍雅西北昂刺山積雪甚厚
一望無際險峻異常人馬數蹶作雪山行 察木多
大呼圖克圖今已數輩相傳爲明建文轉劫俗說無
徵亦見當時天下憐建文久而不忘也 中秋望月
有感 秋寺 卽事 察木多西北博窩野蕃多出

良馬丁成之別駕購得其二余亦得一別駕故善騎
與張竹虛日乘試之竹虛偶墜傷面爲二絕調之

打箭鑪以西菜味甚難得有餽瓜蔬者如嘗異味察
木多漢人稍眾有園丁四戶日市菘韭萵苣供饌喜

而賦詩 酉子成之

察木多九日食葡萄懷家兄

伯符是日宣太守下兩呼圖克圖判牘 一簣障江

河用沒其身漢書何武等傳贊語也 魏鶴山嘗手錄

之感爲五言

與竹虛夜話自臺灣入都假回桐城

至成都奉使西域中更裹塊往返行經二萬八千里

矣患難相依壯懷未已不覺身之衰老也

贈漁童

自題康輞紀行卷後 成之和吳春驅韻見示頗

切歸思依韻奉答 察木多少雁十月偶一聞之是

其本鄉非賓鴻也蓋雖關外而地在西南非塞北苦

寒者比故時已冬後無用入關也感而誌之 察木

多冬雪 撫火 少陵愁坐詩云葭萌氐種迴左擔

犬羊存終日憂奔走歸期未敢論戲反其意 東坡

云我家江水初發源宦遊直送江入海余行反是更
爲一絕 樓鴻 曉日 歲暮雜詠 偶成 余與
丁成之資斧罄已三月貸於茶賈艱甚延望省批不
至成之有憂色詩以慰之 宜城酒有九醞者古人
謂之酸酒以爲佳釀今時久未聞矣蜀酒以大麴爲
上清酒也去西北高梁遠甚打箭鑪以西大麴亦不
可得蕃酒以青稈爲之甫釀微酸卽云成熟名之曰
沖酷嗜之多飲亦能醉人余久寓察木多令造酒者
三釀之稍可飲東坡云惡酒如惡人彼時惡人猶可
避耳若處今日尙能辨其佳惡哉戲紀以詩 蕃女
多無夫其父母不問聽自爲生與妓無異不知妝飾
衣襯瑜櫛髮洗面而已察木多酒家數十皆以蕃女

當鑪謂之沖房沖讀如銃戍兵刺麻雜還歌飲其中
穢陋可憫女無少長皆曰鴉頭似漢人教之也 夜
坐 腦日有懷 奇酬方植之 酬光律原 酉馬

元伯兼壽其七十 冬初得家書言伯兄近歲頗衰
心常憂之以余比年多故兄之衰有由來矣祀竈日

卻寄 與成之別駕貸得西賈茶千金謝都閻見贈
博窩馬各一余復買蕃酒一瓶成行有日誌喜 察
木多歸次聞少穆舊飴以九卿 召還喜而有作

丙午正月四日自王卡至噶噶人日立春至昂地山
中所過連夜蕃男女數十聯臂踏歌求賞 將至中
渡麻格宗道中 還度飛越嶺大雪 二月十八日
行自化林坪以東沿途桃李盛開 還成都寓舍

卷五

蓬州

晚涼

秋日卽事

食橘

夢回

晚菘示

濬昌

送江雲章

聞達厚庵

青海大捷

東坡過

巴東

爲萊公遺蹟詩云江山養豪俊禮數困英雄執

版迎官長趨塵拜下風

當年誰刺史應未識三公余

謂先生是時方少故作此語耳豈知雷州儋耳後來

同一感歎耶萊公雖云少學然不離丁謂其胸中脫

灑何殊

蘇公豪俊固有天授不可以尋常學問言耳

九日攜濬昌遊古佛洞還至慈雲閣

慈雲閣觀

芙蓉觴客

癸卯在臺灣就逮諸生有禱天后者得

識云制虎降龍靜煉丹

從今蹤蹤出元關前途一片

風光好不到蓬萊只等閒疑或不死而至登州及來

蓬州乃知其應昔東坡出獄謫黃州四年至登州有
海市詩余往來渡海者六由今思之何殊海市邪坡
公至登州年始五十余今六十二矣然公六十二歲
尚有儋耳之謫余幸不已多乎 東坡先生易簷之
日徑山間疾叩耳大呼曰端明宣勿忘西方先生曰

西方不無但箇處著力不得余嘗疑公西方一語似
于此事尚未了然頃恩先生自黃還過筠州子由三
人同夢之事乃知先生作本等語也更作一偈 雁

苑中芙蓉一樹高出櫓花開百數十朵大者如盤
色紅而瓣多自中秋後終九月未已 送秋詩立冬

後一日作 活魚 紀事 州西郭二里許有小阜

叢竹脩茂在五馬山南下臨嘉陵江洲上四五家依

阜作呻
阜上有慈雲閣乾隆中前知州周君天植傍僧舍築室闢小菊圃鑿池構亭塑十三鬱神亦自肖像其中云菊鬱神也時時往遊或信宿返復買田數畝使僧守之歿後州人以其室爲仁廉祠奉君及前後蒞州之有德者歲一往會丙午九日余觴客于此距君七十年矣憶其時政平吏廉民物安阜訟益稀少官吏能自給且有餘力營此宴遊君殆吏而僊者乎聊爲五言一章觀物戲贈示左亦齋

蜀

故多盜比歲成都尤盛近盜猖獗揚言劫大府入觀輜重供張一路爲之慾期有檄諸軍合五屯進勦川北郡邑截擒逃盜一世路枕上作占卜長至日過菜園作

卷六

花事 勝事 自嘲 曹去 紅花 題壁 櫻桃

立夏前五日作 晓起獨步園中有作 茗客

官舍 寒雨 莊晴 野老 舊圃扇畫 送葆叔

之涼州 午日偶然作 韓公 苦熱行 六月十五

日作 次日得雨 顏魯公 桂 摘瓜 莓花

苦憶 南粵 涼風 伍生順常送牡丹二盆 九

日憶左赤齋 重陽後四日吏目王君翁送佳菊數

種 去歲芙蓉一本甚繁豔今來秋雨彌月竟不花

十月已半芙蓉忽作三花而瘦小掩映屋角 哭

汪孟慈 毛生甫詩冊 偶然作寄方植之 老妻

壽日御寄 示迴龍院僧 酣客 荆棘 春日作

元旦龍神祠作 將至成都過興隆鎮旅舍主人

乞詩有贈

胡恕堂觀察少夢前身爲僧後入一寺

見塑相與已無異恍若有悟使人圖之席間出示索

題 將乞病歸寄伯符及里中諸君 江樓獨酌

既得罷官至成都候杏文回籍索逋人呶咻不已命

濟昌盡粥官時服物償之 謝胡觀察贈舟資 別

陳息凡 張椒雲廉訪枉臨話別 戊申三月東歸

適玉環書院新成蓬州人士請畱住十日楊式如學

博吳淮樓孝廉伍謹齋秀才首唱諸君各有詩見送

輒成六絕奉酬 豐山先生號鐘琴拓本爲沈鶴樵

孝廉題 哭斌少司寇 遣僕 胡恕堂觀察過蓬

州是日蓬人爲余立位仁廉祠士庶喧聞走送觀察

嗟歎久之曰君可謂大用之而大效小用之而小效矣感其言有作賦呈爲別　四月二十一日至夔州入峽偕方兆青濬口觀峽中奇勝東南風阻舟行頗緩中流迴轉者再知神意之畱人也爲詩謝之　哭伯山　歸州遇沈秋浦夜話　出黃牛峽將至宜昌方植之寒巖獨往圖　五月二十六日曉晴舟入樅陽口

卷七

馬小眉又白召同植之元伯聿原遊玉屏山莊翼日聿原存之兄弟召同植之元伯魯岑遊邃園未逾月聿原又有石莊觀荷之約將辭之元伯手書來云石莊本避暑之地荷淨又納涼之時其勿辭也以詩柬

元伯及諸君 嘉慶乙丑元伯使人圖其象爲小冊
同好詣君題詠甚眾越三十九年道光癸卯余覽過
里中許爲作詩旋去蜀未果今又五載始歸元伯作
圖時年二十九今則七十二翁矣詩來索題計君嘗
東之鞍韁余亦西至喀木何意白首歸來猶得相從
遊詠欣成一律奉教 閒居一首呈光律原 慈雲
庵僧玉華余十數年閒屢見之今來復問已久寂矣
戊申冬至日植翁作詠懷詩見示積陰連日詩到
放晴乃和其韻兼呈元伯律原 植翁再以詠懷詩
見示依韻答之 歸家攜存蜀酒未盡植翁以小瓶
來索旣許之復繫以詩 歸來 張耐翁楚江歸櫂
圖 己酉人日元伯以贈律原召飲詩見示輒和兼

呈植翁元伯律原時各有春酒之約
正月十日方
兆青召同植翁元伯范士小石北園觀梅憶余乙酉
入都竹吾與金鶴臯大令及周伯恬諸君觴餞者三
十二人一時極讌飲之盛今罕存者竹吾沒亦十四
年矣植翁元伯各有詩追念竹吾愴成一律卽贈兆
青
元伯律原連日有詩見調未答適余小疾臥植
翁召飲不能赴兩君來候戲呈因柬植翁
郭外三
里許有田數畝曰小齊莊頗有隙地竹樹二十年前
愛之嘗有小築之意今自蜀中歸以償債家爲詩送
之
正月十九日植翁元伯耐園硯峯律原小眉存
之小集中復堂席罷元伯有詩步其原韻屬諸君同
作
律原有詩見答爲長句激之
感遇
三月二

日入龍眠 孔城晚歸口號

出遊

己酉三月赴李

石梧制軍之召至白下時李公已抱疾陳情有詩見
贈屬和輒成五言三律應敎余亦將之揚州矣
寓白下僧舍顧湘舟自蘇州以其賜硯堂所藏金石
圖譜來示且云家貯書十萬卷未入 四庫目錄者
二千可謂富矣詢知潘芸閣河帥刻乾坤正氣集將
成欣然有作 顧湘舟五十歲江淮閒名流文史壽
以詩畫者甚眾湘舟裝潢成冊來索余詩 程仲蘇
太守家選以其尊人鵠樵侍郎藥洲拜石乃石緣圖
請題余不見仲蘇三十六年矣藥洲九石八在粵東
學使署一在藩署侍郎以嘉慶庚午視學粵東道光
辛巳以粵藩礪學使九石前後得全見之故作二圖

俯仰今昔愴然有作 五月十三日避水四松庵贈

謙谷長老卽題其南澗放參圖 管小異言癸卯五

月在濟甯汪孟慈聞余被逮大慟嘔血而余未知孟

慈嘗言以朋友爲性命不其信哉君沒今三年矣小

異異之子也孟慈是其婦翁言當不妄嗟呼交道之

薄久矣如孟慈亨甫其猶古人之風哉 八月二十

日偕管小異訪湯雨生病愈畱飲 不見黃樹齋十

四年矣宦轍不同而同見謫己酉十月君以入都過

白下梅伯言亦歸自京師樹齋約登鍾山陰寒不果

爲五言一章 移寓博山園與謙谷長老共數晨夕

久之題其詩集 雷約軒陳廉秀才白馬廟訪僧圖

陳若木參軍爲裕靖節幕賓靖節督師海上殉難

以所用硯贈陳使君蕭枚生爲之刻銘若木拓本裝
小冊屬題 贈梅伯言 博山園微雪 酬湯雨生
會稽潘少白詒自如臯來訪年七十五矣以哭姚
鏡塘失明愴然有贈

後漢續集目錄終

後湖續集卷之一

桐城姚學展和甫

毘陵孔道也壬辰之冬孟瀆三河大工未已漕艘畢集又以臺灣有事豫陝官兵絡繹南下供應騎將悍卒曉夜扁舟與夫役奔走河干者三月雖寒熱之疾屢作風雪中竟亦無害作此示從役諸人

羽書驛傳日縱橫撫字催科政未成三月扁舟風雪雨一時徵役漕河兵官如逆旅還多病歲近知非亦自驚辛苦閭閻人莫歎明年安穩事曹嘒

平山堂下有作寄馬元伯

園亭颯沓凍雲收晴入新年艸漸柔一徑古松騰晝鼠四山殘雪亂苔流閣梅待我猶朱藥塞客還家應白頭終是

故鄉行樂地壺觴誰復共清游

朱梅一首寄方植之

滿眼朱梅遙檻簷東風吹影動廉纖心如老健年年減愁
侶春潮夜夜添姓氏青天傳士女功名白髮問魚鹽故人
尺素能相問官閣香浮一夢甜

題周蔭南卷子介存學博子也

周郎英妙步江東老去婆娑學舍中賴有神駒千里足爲
君驥首豁心胸

丁酉六月十二日偕潘四農毛生甫游金山放舟焦
山宿松蓼閣賦柬二君并示從遊諸子

蹙蹙飢渴志悠悠滄海心軒車未能棄勝境聊遐尋落日
照叢邱明霞滿江潯逸情繩高躅白髮窮青林地迥天宇

寒日極憂忽深眷言此幽憇慨彼抑飛禽

娟娟雲閒月皎好山中侶扁舟漾清波紺碧何宮宇探勝
旣防巘投夜間江濱明滅沙中鎧慄慄寺鐘杵聞君有高
論湍閣且延佇

高樹臨大江危檻倚絕壁靈風迴萬籟哀響蕩心魄城市
闕夜靄披襟招古月澄懷渺杳杳眾星明歷歷上扼虎豹
關下瞰蛟虯窟吾生竟安窮天闕在咫尺

浩浩古天地邈然託我身往迹一何遠今夢忽若眞曜靈
破澑洞萬物各有垠義皇迄殷周治亂嗟紛綸寸心經萬
代炊黍卽千畧金石忽炳燦詩書亦泯淪形色欣在茲至
道誰與陳

高叟寺夜舟

北風響林樾
宿雁蘆洲驚不見
維揚郭萸灣且夜行
禪關梵唱罷澹月寒江
清明發念之子疎鐘還一鳴

金帶圍

吳荷屋先生以湖南大中丞左遷福建方伯過揚州
望時權轉運使宴於桃萼庵庵中芍藥盛開中
一枝近千瓣腰間一縷如黃線透瓣束之瓣瓣皆
然余曰此所謂金帶圍矣世常見者殆非也荷屋
先生以酒祝之乃記以詩

芍藥非萼王或亦王之亞豐繁而艷麗頗類王姬嫁其大
如巨盤層樓殆百架何須一縷香已值千金價海南有吳
公開府衡獄下再作南閩藩始稅北燕駕輕舸過揚州清
謐吾亦服萼神夙有知蚤作覩裝返金帶始聞久真園今

見乍鶯門洛陽魏人是烏衣謝勝地足貴遊何必侈臺榭
絲竹非所欣風月聊可借飛觴祝名花餘興還卜夜

道光乙未陳石士先生還京相見於丹徒舟中未逾
年有歸道山之慟丁酉八月先生季子淮生過揚州
以遺照屬題

翛然遺貌動淒情三十年來感舊盟抗疏尙聞天下計論
文同盡雨中染青編弟子刊應竟先生遺集屬梅伯言編訂門人黃奭方謀刻之

白髮鹽官夢自驚邦上西湖兩明月不堪回首潤州城

戊戌二月同伯卯一兄學使謁十世祖德馨祠於西湖
又謁十二世叔祖昭感伯祠於蕭山兩祠皆民思
遺澤所建

丹書次第出楓宸甌越東瀛共一春兄弟使車同歲發祖

孫祠廟隔江新小臣被澤容延世
海內原多鐘鼎族清風直節是家琛

聖代旌賢勵牧民

嘉慶戊辰與李海帆宿理安寺後三十年與左石僑毛生甫再遊寄海帆時提刑山東

西湖樓殿錦雲張水面山容盡妙妝一入理安空色相四圍峯立寢青蒼老僧牀足經三換高閣松聲聽未忘等是廿年前過客濯纓何日向滄浪

弱柳一首示吳獻之

弱柳絲絲拂檻前向人旖旎欲拖煙紅襟夜曲虛三弄白髮春風又一年儘有醉深同畫舸更無腸斷與冰絃朝來問字知多少不負明珠顆顆圓

酬吳寄山同獻之過僊霞嶺有作

東風驛路草輕纖嶺色重重看未厭修竹翠深千礪底好
萼紅到萬山尖石橋倚樹雲常冒村酒衝寒雨欲添可惜
登臨是行役鄉心詩思兩難兼

楓嶺杜鵑盛開

峻嶺龍縱萬壑旋紅英爛漫劇堪憐靚妝夜自悲山鬼幽
恨時聞咽淒泉祇合獨禽尋舊夢若爲楚客弄新妍朝來
蘿薜還相問翠嶂雲深幾歲年

吳荷屋方伯南嶽祭告圖

虞帝寶嚢在衡山雲氣蓊鬱生僊壇羣峯漫遮七十二芙蓉
紫蓋陰生寒神物至今慎守護千年不許風吹殘精誠
感通一開霽古來惟有昌黎韓吳公崛起自南海置身蚤
上青雲端湖湘嶽麓乘絳節赤日下照中心丹三苗蠶爾

偶犯順一麾戡定舞羽干功成南嶽虔告祭清齋穆穆神
人懽雲深霧重忽掃盡猶如大海風迴瀾祝融之峯最高
頂披襟萬里胸爲寬雷池風雪白晝靜神臺僊宇青空墳
嶽靈感昭今再見

聖朝瑞應何可殫請公大書南嶽

嶺岣嵝片石吾能刊

道光甲申瑩幕遊臺灣得一生玳瑁大徑五尺放之
海中更十四年戊戌四月以備兵再至舟近鹿耳門
數里白晝海面一物迎舟而來漸近則一徑丈大龜
背負白鶴向舟昂首而立波浪不興海平如鏡舟中
數十人咸訝之及舟而沒或曰是省年玳瑁或曰非
也臺灣當太平海神遣迎使舟耳非戴

聖主威

靈曷以有此哉悚然有賦

盛代星符遠

天威動四瀛鯨鯢當戢靖龜鶴亦懼迎

地險人殊籍年豐俗苦兵一軍懸萬里誰共倚長城

戊戌至臺灣或餽素心蘭四盆殊繁妙明年再華猶盛中出一枝一華兩蕊猶子以增謂是同心蘭余曰

一華兩蕊當爲異心何司耶明日又出一枝八瓣而

同蒂兩蕊合衰余曰此真同心矣嗟呼海外巖疆故稱多事其何以酬茲靈異乎

倦人贈我綠衣郎玉骨亭亭淺淡妝本自無心墨臭味儘教竝蒂吐幽芳海天夜冷猶驚露官舍魂清只舊香老我比來多勝事一枝金帶憶維揚

己亥五月十日病起登澄臺憶濟光內渡

高臺登眺廢經旬徒倚危欄白髮新海上風雲時變色天

邊雷雨憶歸人鯨鯢夜靜珠宮冷
鑱鼓朝喧貝闕振南北兩路
數亂民間祭賽多罷今爭補之咱
閱千里更喜嘉禾遍收穫不嫌布穀後三春

後湘續集卷之一終

後湘續集卷之二

桐城姚 融展和甫

奉逮內渡抵惠安縣

五年鮫窟橫戈厭十日鯨波挂席平忽見風吹青麥隴始知海內又清明

九重宵旰未言勞幾省軍儲尚驛嚴譴猶承 主恩

澤馬聲人鬢兩蕭蕭

僑寓興化偕汪雅堂張竹虛德生家晴峯濟光遊烏

石巖遇雨歸飲萬齋

嶺南春欲盡天外客初還雲日猶依海風雷忽過山新苗

翻木臼野卉近城殷不有親朋讌何知

聖代寬

寓舍海棠

海棠誰傍石榴栽小院春殘我後來不似朱門多富麗自憐儉瘦背人開

蝶攢桂

興化一種木本如桂三四月閒萼最繁白英黃蕊一枝十數蒂帶葉而萼每蒂四朵合一萼朵各四瓣前二小後二大瓣皆玉版儼然蝶也四朵合袞黃蕊如桂亦四出而不香土人謂之蝶攢桂寺僧多以供佛他處無之萼之無香者多矣似蟲形者頗少味以一絕補參譜所未備

嘉名攢桂晚春芳玉版紛繁蕊嫩黃應爲前身是蜂蝶自成蜜後更無香

兩次漁溪

籃輿行盡于重嶺急雨驅雷幾度聞山徑水明疑落瀑
煙樹合認歸雲館逢舊識人三世農喜春暎稻十分自是
休兵明詔美漢庭吏事本修勤

旅店山丹屬客

一株紅豔燦庭闈疑是柵萼帶雨看行客乍休邨釀白舉
杯相屬破餘寒

坊口曉發

初日雲中闢雨明四山橫翠宿煙清稻田幾處青松蟲蟋
蟀羣蛙相和鳴

野水平田穿屈曲荒邱老樹臥樞桐盈盈相喚邨前女白
盡低棚瓠子鶩

汪雅堂召同張竹虛德生戴桂山家晴峯登九懶山

遊積翠寺時雅堂將之臺灣余當入都賦別

西風欄檻雨霏霏城郭蒼茫山色微江帶灘流趨海靜鳥
尋邨樹破煙飛諸羅荔熟君方去投子鐘殘我未歸寄語
同袍羣將吏幾時譚笑解征衣

樓船橫海意如何蘭若登臨氣欲磨白水穿雲明鷺羽青
松當檻老鷹窠山空始覺心無定僧少微嫌梵亦多壁上
應貞能作證優曇萼裏客經過

題劉芑川孝廉家謀外丁卯橋詩集

詩非關學富有種君自珊瑚倦骨來漫與題名說丁卯絕
塵夢得本天才

精魂千里夢猶真似爾論交見古人我亦張郎夢中客聞

緘掩卷總傷神

張亨甫與芑川皆有夢中相晤詩

身世艱難百感多劉琨何事擊壺歌故人西在陽關外白
髮秋風夜渡河

芑川感懷詩有少穆
舊神及臺灣之作

海雲高接陣雲屯不斬長蛟愧七鯢但使功成有衛霍失
期李廣敢銜冤

芑川感懷詩對
尊君李廣冤

至福州喜晤楊笙友水部林梅友謝碩甫劉芑川三
孝廉及亨甫弟子余柏溪茂才小集寓舍諸君各有
詩文見贈既登舟諸君復置酒洪山橋餞送作長句
酬別是時亨甫方遊河洛

山橋昔日停舟時張郎載酒常相隨雨農怡亭兩詞伯爲
我慘慷慨譚風詩此事於今十五載山晴山雨煙雲改兩翁
墳頭宿草青張郎漂泊猶江海相逢弟子如張郎少年意
氣輕侯王衷中墨跡淋漓溼半是新詩書法狂朗然劉謝

映玉筍正似盧王對楊炯可憐林逋益癯瘦梅萼鶴唳餘
孤影參旗半掩壁壘空黃鉞不動貫白虹將軍闈內修文
德妖氛倏滅歸鴻濛是時有客來瀛東輜車如水人如龍
神倦不死頭亦自豁達那用嗟瓢蓬朝起笑煞東王公海
水半沒蓬萊宮張郎西遊京洛窮歸來蚤種橘頭松

舟夜

四山寒雨客心孤艸樹昏蒙夜欲無明滅螢同星出沒風
前雲裏兩模糊

守水口號

雲沒高峯龍露角水流斷樹蟠回身朝來欲問前溪路山
鳥頻呼更恐人

六月九日至浦城驛

征驂一去七千里聲帶再褫三十年霜露飽經訝臣健炎
荒不死信天憐山邨酒熟尋常醉旅館風清半晌眠明日
僊霞關下吏相逢莫要問烽煙

楓嶺一名大竿嶺關侯廟中老僧覺悟乾隆二年死
其身不壞僧徒及邨眾塗以金而供奉之嘉慶三年
好事者爲碑誌其事

此心無住亦無盡了不見心安有身待得身心兩無住白
雲封斷嶺頭人

廿八都

澹月疎星四五峯石谿橋倚兩三松籬輿未辨前山路邨
口微聞野寺鐘

隔嶺紅雲綠樹梢出邨烟霧半山均金華此去無多路修
後相遺集

竹嬪娟好結茅

喜晤家兄伯符時至吳門相候一月矣

吳音乍覺到江東海客依然驛路中咫尺鄉園空目斷艱難兄弟喜舟同一身尙詡堪霜雪三字無端任罪功正憶昨宵岑寂處遙天雨黑短檠紅

重過山塘

好是迎秋送暑天長槐疎柳亂鳴蟬行人忘卻湖堤路不到山塘已十年

鹿春如召同張亨甫張竹虛陳梁叔陸次山家兄伯符集白公祠下時方七夕

壯懷不減且婆娑山色湖光足嘯歌青眼故人還縱酒白頭老將罷橫戈晉賢地迴風流在午夜星飛客感多鼙鼓

乍休簫管急銀鐘畫舫幾經過

陸次山巴山聽雨圖

弟兄師友感同生夜雨巴山共此情我恨囱方北去白頭惟有淚縱橫

次山仿元人關山行李圖

誰從峻嶺拔雄關百曲千盤路險艱去去征輪憑寄語一丸泥在莫淒顏

高郵謁貞應祠

卽古廟

征驅一駐謁饌祠淮水初高暑退時玉貌千年霏霧幕貞靈午夜颶雲旗風前柳色連天暗露下荷香入坐遲三十六湖明似鏡幾人對此媿娥眉

譚菊農且泊圖

西蜀東吳一芥舟茫茫世界等浮漚風波平處能知泊僂
僂人閒萬戶侯

伯符自吳門買舟相送至王營與先後患瘧再旬閏
七月初十日余登車北行兄亦南歸

海角天涯長怨別江南淮北暫同行對牀臥病逢秋雨翦
燭連宵話驛程失馬老翁空偃蹇觀碁殘局自分明來朝
解纜登車後依舊浮雲萬里情

得家書言幼子濬昌爲余素食倩人禮佛祈保平安
余時不見已六年矣寄詩慰之

五年海國烽煙靖六口江鄉骨肉輕作宦久同方外客讀
書時聽夢中聲君恩不盡猶多負詔獄初傳莫
漫嘆憐汝十齡能素食倩人禮佛祝長生

閏七月十二夜雨走峒峿驛和亨甫見贈原韻

秋風夜雨淮中道白髮青衣海外臣幸見孤城存絕島
敢嚙長路困征輪故人應許鯤鵬化老我難期尺蠖伸
山驛邨沽聊共飲陶然不負百年身

宿龔家城

淮南已盡不見山平原莽莽黃入天秋霖泥淖馬腹陷沂
汶水闊行旅難遙天一抹見蒼翠泰嶽未到東蒙先單車
歷碌石犖角馬疲病蹶輪屢掀閉坐十日骨欲折徒行翻
覺身如僊山帆晚投日未落候吏設館授我餐到門忽謁
軒几淨來禽桂橘羅庭前蘭菊照眼競璀璨掩映松蓼相
幽鮮竹窗風清坐謾謾石蘭月出涼娟娟勞人得憩已足
樂對此能不欣開顏舉杯相屬還長歎今時多故天步艱

罷兵已蒙
北闕詔和戎未解東南患開封中牟及桃
北黃河三決墮頻年蘆竹伐盡金幣竭河伯任禱殊無憐
今秋山東聞有收稻梁菽麥充閭閻昨來剗城度阡陌飛
蝗撲面憎盤旋空田今幸免損害遺孽蒼豈無災愆民事
百憂勤
聖主臣工泄泄誰仔肩我輩况瘁是其分來
朝蚤發毋煩煎

途中讀張亨甫近詩漫題

斗牛夜氣千年劍李杜光芒萬首詩祇覺浩歌天地滿獨
窮遊屐海山奇一時竄跡悲身世幾處驚心聽鼓鼙我正
輶車君患病秋風相對柳如絲

獄中夜坐

棘垣重排中秋夜恍惚三場射策時坐對一窗好明月不

夫哀感離鴻多分無寶劍酬燕士那更悲風渡塞駛班馬
蕭蕭從此去暮雲迢遞阻渾河

喜聞嶠筠舊帥入關東伯言湘帆

絕域權聲報 賦環老臣昨夜入重關單車幾渡河中
五毳帳初回雪裏山奇字書成傳北海英才網盡到南蠻
先生令于子久與試廣東故人若見應相問後去蘇卿可共還

鍾山形勢尙龍蛇學舍當年共曉鐘日下才名猶弟子人
間何地覓文翁石城豈易樓船集北固先聞鐵騎空三十
年來譚往事夕陽愁照荻花紅

出獄後聞今年正月臺諫諸公先後上言爭臺灣事
一時中外作詩著論者甚眾閨閣中亦多感詠近傳
臺人復有輿論之刻自非 盛朝寬大何能有此

感成一律

聖主如天宥直臣四方幽隱各紛陳微名詎遂傾中外
國是從來有屈信永夜憂當紓魯女女史沈湘佩有讀史詩故人書
尚問吳蘊朝來 紫禁綸言下道路傳呼頌至仁

贈朱伯韓侍御

當年巨盜逼神京三輔同時正用兵已見滑臺人守死
更聞濬縣獨完城山翁戰績存興頌伯韓尊甫嘉慶十八年守濬縣功在民閒至今領令子陳言有直聲海上祇今烽罷警安危應不負平

生

汪孟棠雲堂喚鐵圖

江南鶯鳥今何許塞北相逢鬢已班惟有舊風能解意玉
人長駐畫中顏

神僊富貴漫言虛喚鐵曾尋隱士居階下年年撲蝶笑
他雙挽鹿門車

陳淮生金門宦隱圖

文物風華二百年幾人解賦帝京篇牙籤玉軸存先業
流水如龍付幻煙郎署果堪容小隱故鄉何必問歸田婆
娑太乙舟前樹賓客譁詩憶舊筵尊甫碩士侍郎自名其書室曰太乙舟觴謠於此

李生歌

山東李生能鍊形引體曲臂時目瞑自言養生得真訣卻
病不須熊鳥經長安貴人爭受之閨中往往傾娉婷諸公
勸我老可少口傳手授煩丁甯我謝貴人且欲已壽天強
弱天所制順時循理外榮辱能甘澹泊毋羶腥外身身存

古有訓不爲昏醉長自醒君不見單豹老更爲虎食稽康
晚亦無逃刑多年養生復何益安常守正神且聽

女史沈湘佩爲宗穆君畫牡丹紙扇

湘佩杭州人工詩尚氣節奇女子也穆君爲宗濂
樓少女從湘佩學詩滌樓以扇乞題余方出都倚
裝爲成一絕

莫問靈均絕妙辭一天湘水蕙蘭衰雪溪春色今如許南
國爭傳秀女詩

德州道中

川原南去莽悠悠景物淒其未解愁樹遠似城投倦馬天
長如水憶行舟斷垣殘雪寒繁草荒戍斜陽白滿樓佐郡
假歸殊不惡得懽骨肉復何求

後湘續集卷之二終

後湘續集卷之三

桐城姚 肅展和甫

喜讀文鍾甫戴蓉洲二生詩卽題其集

桐子山前數艇橫劉郎宅下水煙清舊風不盡存亡淚頤
白歸來見兩生

與家緒周景顏約遊浮山二月初十夜宿石谿明日
至華嚴寺微雨示寺僧

昨乘夜月訪禪關小住谿頭不見山津本無迷仍待渡寶
猶未得肯徒還果成天竺誰能證等到辛夷色自殷寺中
二物所見欲向空王尋法相古碑斲滅水潺湲

叢竹深深護寺垣高巖萬疊俯遙邨綠蘿石上懸猿足紅
樹枝頭靜鳥言寶閣繙經飄白雨老僧瘞塲溯青原寺爲宋遠

錄和尙問山
青原派也

洞山臨濟今無嗣一髮還尋何處門

題馬元伯後出關圖庚寅歲所許今始補之

丈夫曾許國慷慨赴王程更自持功罪身惟仰

聖明

黃雲天外水紫塞月中營兩度征車熟寒笳識舊聲

黑頭輕出塞白髮蚤還家悲喜從駒隙安危想免置及傾

寒食酒同看故園樂是日逢寒食不負平生約休爲蜀道嗟

葉松亭印譜

雲鳥蟲魚各異文鼠鬚蘭紙自紛紛欲尋汗簡揮刀意石
篆驚奇晚見君

三月十五日赴蜀前二日邀同馬元伯光律原家兄

伯符弟緒周攜清昌遊谷林寺微雨遲方植之不至
落盡揚鶯櫻筍肥尋僧有約一停駐溪山勝處如畱客野

水平時自息機人散寺門微雨歇日斜
郴郭亂雲歸荆吳蜀道還相望三峽猿聲淚獨揮

過武昌作

唐帝憂洚水商王苦焦旱天運曾有屯物數戒盈滿聖人謹百慮賢智蹶一算九夏豈不宏隆污奮乾斷迅使羣陰開勿任士氣短養晦雖有時賢佞未可誕脂膏既云竭魑魅益驕悍四方今蹙蹙征夫徒瘡瘍遐哉臯若伊近緬嶠與侃

四月四日舟泊漢陽風雨涉江偕友人攜濬昌登黃鶴樓卽事

楚天雲物莽悠悠不解征帆百斛愁到處親朋尋遠眺一江風雨上危樓道人茗苦猶餘味勝地鶯空憶舊遊且喜

將軍能好武新成戰艦在中流

時楚省仿製新成戰艦

舟過枝江縣登岸循行村落閒風景閒曠男女意甚
恬適一家門首聯云安樂門庭似海太平人物壽
如山非他處作常語也怡然久之爲詩十二韻

凡民生在勤萬物有作息寡營惟一心農工各任力家無
凍餒人行歌意自得君子有遠猷安人以爲職盛者不張
蓋寤寐猶反側心力雖異勞理亂同欣惻治國多壽民豈
必山澤匿堯舜皆百年吁咄常日景陋巷飢溺志何異顏
與稷四海苟困窮山溪亦盜賊單豹老不衰徒爲豹虎食
寄言避世者分定庶無惑

修辭

古人貴修辭誠至言斯立道善義以周體物不相襲精微

造化理上下古今箋細析毫顛駢宏任百川吸刷柔洽吐
茹利鉅異張翕動中沛然至無感何歌泣鄙夫好爲名終
日事綴緝棄彼紫磨金高門乞殘汁文章本心聲希世絕
近習質重人則存浮雜豈容入鏤琢飾情貌當非賢所急

西京

漢家文物盛西京八座金貂各俊英郡國貞除多獄吏公
卿才望半儒生餐既蘇子旌空盡請劍朱雲檻未旌終是
武皇能遠略匈奴竟世不稱兵

午日泊松滋渡

喧闐擊鼓耀朱旗又是龍舟競渡時客夢啼猿到巫峽江
城飛雨失松滋峯迴水遠帆頻落地狹天高月易虧風俗
至今爭弔屈楚宮依舊詠蛾眉

唐二宗

太宗神武絕天姿元廟威猶極四夷幕府東西開大漠樓
船十萬罷高麗朝容姦相何能覺亂視賢臣亦已遲累代
有人扶社稷艱難不似造邦時

入峽

幾年搔首鷄籠塞五月浮家灔澦堆地險身初行蜀道劫
過誰復問秦灰雲山有意神終渺江海無情客自哀白馬
黃牛俱寂寂輕舟如燕上天來

秭歸

昭君廟屈原宅皆在歸州北

琵琶遠嫁靈均放詞客年年弔秭歸邨下女兒不解事娥
眉底事學明妃

西陵峽

山中高峯甚多矗立百數

休言神女峯娟妙山到西陵態便新羅立娉婷聳睂然還
如小婢學夫人

峽中作示同行諸子

峽中竟日聞呼號百丈巒上輕猿猱巴人橈唱異吳楚千
夫百夫聲噭嘈往者初行向東粵快捷驚見舟師篙中上
閩灘蓋險異逢人輒自矜所遭操舟投老大三峽前此覽
歷皆兒曹崇深雄駿氣象別吐吞萬狀洵賢豪大江西來
到東海穿貫百谷如溝濠峻灘四百有五十長峽千里迴
風濤荆門虎牙欲軒豁關鎖猶作上下牢乃知富媼有深
意建瓴之水無滔滔平生倦遊晚見此帝憐困走聊償勞
夜來洗盞莫遽醉坐待月午天中高

黃陵廟

廟在宜昌府西北九十里黃牛山上相傳蜀漢諸
葛忠武侯經此見石壁間現神像冠裳儼然前左
引一旌旗右立一黃牛感神佐禹治水有功當廟
食茲土乃重興焉目之曰黃牛廟云以黃牛爲黃
陵者陵卽山也以黃牛廟名不雅馴故後人更之
水經注云江水又東逕黃牛山下有灘名曰黃牛
灘南岸重嶺疊起最外高崖間有石色如人負刀
牽牛人黑牛黃成就分明旣人跡所絕莫能究焉
注言如是更無諸葛之說蓋後人因道元之注而
附會之也今廟更建於府治北此其故址千五百
年廟之復興數矣道光二十四年五月十四日攜
幼子清昌赴蜀舟經山下古廟巍然時舟行速不

及停謁濬昌方歎呼令望之舟已過矣爲詩紀事
鳴鉦打鼓上黃牛細雨輕寒入客舟稚子不知灘水惡爲
看古廟卻迴頭

四神詠

作前詩已舟行數里忽縛斲卻回仍止廟前迴頭
一言頃刻成識豈非神召往觀乎時已晴霽乃肅
衣攜濬昌登廟展拜前殿爲夏王像神在後楹如
古道者而黃裳鬢髮鬚眉皆白頗然甚偉其右黃
牛伏焉前殿左側祀屈大夫亦古衣冠貌白皙而
愀然詢寺僧覓古碑記無有引至廟右則忠武侯
祠在焉庭中石幢鐫武侯所撰黃牛廟記蓋康熙
壬寅年官立者壁間又一石刻作隸體乃乾隆閒

枝江令所書記文較詳王阮亭蜀道驛程記云黃陵廟頗宏麗前祀黃陵之神後祀諸葛忠武侯與今稍異阮亭以康熙壬子年入蜀在壬寅之後所見當是壬寅新修今廟又後人所改建也前詩辭意近慢乃更爲四神詠

夏王初治水時復役百神一旦懷襄勢安流就伏馴是惟文命德靈奚非常倫所以帝王制首重皆明禋後世德不修事神不務民史臣爲此懼紀載求其醻遂使平成績高遠無復陳腐儒昧古義動以荒唐論豈知重黎前人神本相親方今河再決胥旰憂水濱安得洪流順滔滔王路遵

右夏王

聖王德無閒百神皆爾主導江岷山來萬里澤海宇二百

八十水及此得所聚洪流出巴蜀何以過斯怒窈窕千里
峽壁立自太古明月當其吞黃牛任其吐荆揚下流遠結
束此爲府遐哉神力異開鑿非斤斧明德日以遠維神當
日輔漢相溯神功立廟實茲土至今福行舟士庶及商賈
牲醴以時酬樂神爲歌舞愧我方行邁濟世了無補再拜
復內省生平安足數

右黃牛峽神

我曾官海外曾謁水巵祠上崇夏王德次覽屈子儀矧來
君故里精魂實在茲冠裳旣古意貌復多愁思顏色白以
哲或當未放時君曾爲九歌悅神多令辭湘君與山鬼薜
荔紛雲旗我今將悅君陳言恐君悲世無景與宋高文安
可追歎生未奇服眾已相驚疑故知好謠詠况乃眞娥眉

悠悠遂千載再拜涕霑頤

右屈大夫

豫州隆中言志在伸大義維侯實贊之蚤定入蜀議兩朝
開濟業未竟君臣事屯田欲持久行險不輕騎審度人我
情乃不負所寄天既厭漢德侯豈能強致義在當出師惟
有盡吾瘁要亦計萬全未嘗犯兵忌所以賊畏之甘爲巾
幘避伊呂雖曰賢與朝事則易人臣際屯艱當以俟爲識
大哉習生言能定天澤位

右諸葛忠武侯

空船峽

在黃陵廟北五十里俗名黑崖子水經注湘水縣
有空船峽驚浪雷奔溶洞三峽又云江水自建平

至東界峽盛弘之謂空舲峽甚高峻卽宜都建平
二郡界也按晉時建平郡卽今巫山縣今巫山縣
屬夔州府與宜昌府巴東縣接界距空舲峽二百
餘里據水經注是晉時秭歸巴東皆蜀地

灘流渺渺入空舲曉色侵山分外青忽見崖前風浪黑飛
雨走雨滿天鯤

舟中口號

奇峯峭靄接蒼冥千里如張萬疊屏安得齋前分一角朝
晴暮雨對空青

所見

石室舊猿穴長江作潤溝飛星檻下過響瀑席閒流種芋
披雲葉開簾倩月鉤神僊在人世何必避秦游

壯遊

男兒骨相不封侯也合身經萬里遊
蓋背東迎桑海日峨眉西飲雪山流
未知增減人千劫已分賢愚貉一邱
獨道從來天下險杜鵑聲裏過行舟

望巫山十二峯

十二神峯縹渺奇
羈翁莊論解瑤姬爲雲爲雨皆靈澤
敢作尋常諷喻辭

涉險一首示同行諸君

泰岱鴻毛命自天休驚人鮓甕頭船心
亨習坎孚重險口實觀頤涉大川百
猶猶能識忠信一關深覺愧前賢行年
六十吾何負檢點平生幾幸全

兩歲

萬歲行慶遍九州又來梁益溯扁舟策名豈必燕朝貴處
世亦嘗人鬼謀博望灘前殊漢使衛公樓上有邊愁此身
未死猶行列欲語雷同已自羞

三峽

行盡巴東峽裏程未聞青壁夜猿聲應知客已無腸斷不
忍舟前嚬月明

便風入巫峽泊神女峯下明日仍乘風出峽

神女峯前夜夢清鶯蓬鳴咽枕江聲都將雲雨無窮意換
作東風送客行

蜀中旅夜夢少穆舊帥還都言夷事縷縷覺而有感

力任時艱志事違三年謫戍未言歸全家邊徼殊中外松
錢源東官奉母移家陝西列論朝端有是非夢放金鷄櫂執手風迴錦

水淚霑衣淒涼王相墳前樹拱把今來復幾圍

蒲城指國爭論公事

甚力
裁毫

潼川道中立秋

三千烏道行經半萬點雲山望未通小市鷄聲常夜雨衰年驛路又秋風箇輿出沒懸崖畔糧稻縱橫響瀑中底事成都誇沃野西來何處不盈豐

成都逢潘小江題其詩集

新歌舊唱總多愁白髮相逢又早秋等是滔滔一江水獨中嗚咽甚揚州

贈陳息凡

鍾祥卜達菴葆齡

二明府

春風夏雨同生物南浦西山一舉杯老我情懷猶劍外把君詩卷憶僊才莫嫌黃綬迎人晚且喜繁鶯傍日歸雲滿

馬頭應叱馭良獮裏更誰來

息凡見和奉贈之作且送余西征依韻爲別

怪底瑤華驚老眼相逢鸚鵡託深杯文章有道宵憎命山水多情未盡才萬里星韶邛笮近五更邊月帳牙開康居禿髮君休問雪嶺冰天一騎來

再疊前韻

楊子宅前慚問字杜陵籬畔尙餘杯錦江人去逢秋色蜀道吟成信異才燕壘風高宵幕迴雁行霜勁隴雲開無端消息傳南海林邑驚心貢使來西夷米利堅國遣使顧盛有所要求欲朝京師粵

帥卻之而許其求

翼日達庵亦有和詩二章三疊前韻酬之

冰雪嶧峨天外路霞文磊落席閒杯引心已見物交物遠

害何知才不才別史恨長千載近奇文境險五丁開巴渝
一唱頻煩和絕勝陽關曲裏來

劉孝綽詩共搆雲
聞藻同舉霞文杯

奉使唐蒙嘗蒟醬消醒西域問簾杯壯遊自託儒生幸好
友偏多上國才去日庭前黃菊滿歸時休放碧桃開長沙
不用墮遷客贏得支機天半來

邛州

碧水雙流日易斜楓林時復見霜華單車歷碌空文藻閒
煞臨邛賣酒家

十月六日至名山縣穆遠峯大令

精阿贈茶

名山邑小主能賢贈我龍團逾半肩待取海西千丈雪一
鑄活火換新年

渡平羌江至雅州晤余小坡太守

錦江西去接平羌青海遙通古塞長誰信白頭猶奉使笑他年少戍煌煌

使君仗節古諸侯驄馬還臨大渡頭政好不嫌邊郡惡黎

風雅雨足吟謳

青溪縣古沈黎郡地每日必風雅州郡治卽漢嚴道縣十日九雨諺云黎風雅兩

榮經縣

榮水東流瓦屋山荒城人語半羌蠻怪他風雨時交會地在沈黎嚴道閒

小關山榮經縣西五十里

嚴霜草凍石稜頑峻嶺雲橫雪樹班板屋數家鶴唱曉歲寒人度小關山

題丞相嶺廟壁

在榮經西七十里又二十里卽清溪縣治晉武侯南征過此後人遂以名

嶺且立廟

參差林磽挂冰條嶺日晴烘積雪消千載英靈丞相節
官落拓野田匏重承明詔來荒服敢憐微軀使不毛天
步艱難時事異古來惟有中興朝

雪中口占

雪裏行蹤本易尋屐痕消盡有空林豈知地老天荒後陵
谷無從問古今

十月十二夜宿瀘定橋

沫水真如激矢行碎劙終古不平鳴九龍鐵綆騰空勢萬
馬洪流動地聲歷歷天星仍北拱勞勞漢使憶南征殊方
日漸通蠻語又聽番僧鬧鼓鉦

瓦斯溝

荆榛蔽石雜芳椒擊柝傳呼斥堠勞斜日破雲穿屋漏遠

山橫路東褰腰序逢小雪驚時晚人耐卑官任客嘲此去
魚通無百里渡瀘誰見水源高

頭道水

蒼藤萬仞兩絕壁瀑布一簾香靄閒走雪飛鶯三十里始
知銀漢在深山

出鑪城寄示濬昌

今年垂髮欲成童溽暑隨舟向蜀中曉放書聲輕駭浪夜
貪月色坐微風九旬寓館魂方定一夕官符別太息問我
西行要何處雪山迴首蠶蒼穹

濯龍錦水渺如煙杜宇蠶叢又一天奪色豈無人惡紫著
經猶望汝通玄蕭條門戶寒儒分桀鷺蕃僧下吏權終是
出關乘使傳得平蠻觸卽安邊

飛越嶺示汎卒

在清溪縣西一百四十里最爲陡峻乃蜀邊第一險阻唐置飛越縣於山麓

歲麓旋

疲馬峻盤飛越嶺夢魂遙度折多山天心不隔華夷界地
險何須虎豹關霽雪凍含雲黯黯陰崖愁見日閒閒健兒
莫嘆書生老一飲能朱鏡裏顏

出鑪關答送行諸君

蚤年戎夢出陽關投老西行過雪山佛國戊屯勞歲幣蕃
僧師弟弄刀鎧重臣持節多邊計上相陳辭悅聖顏
奉使但期無辱命白頭敢望玷朝班

自折多山至提茹道中

折多在打箭鑪外五
十里出關首站也

冰堅石亂雨嶢峨峩兀肩輿任側頗短樹赤莖無綠葉漫
山白雪混銀河蠻荒竟日人煙斷野宿坎荼馬糞多千里

衆糧駕僕奴烏拉辛苦莫輕訶

阿嬢壩曉發

折多五十里爲提茹又三十五里阿嬢壩又三十里俄松多

蠻寨夜宿阿嬢壩危橋朝渡俄松多崔巍三日得坦曠與
馬蕩蕩驅長坡蕃兒喜笑紅日煖負戴踏冰行且歌憶昨
百戶迎道左酥油跪進茶回羅拾級道我禮佛處金頂轟
立高巍峩雜遝男婦堂內外喃喃經咒能無訛蠢愚豈盡
解梵誦經角萬轉功恆河吁嗟乎西方金天氣肅殺淫凶
殘很人偏談孔孟不到政教缺慈悲導化煩雜摩聖
皇馭世大一統因俗爲治平無陂迂儒小生強解事紛紛
著論奚足呵

七月閒初至成都僦寓爲一聯語揭室中云智常無
礙須彌小心自能享蜀道平今晨行火竹卡道中忽

有所觸卒成一律

天女修羅事幾更一燈如豆滅還明智常無礙須彌小心
自能享蜀道平蝴蝶夢中觀大化焦寮枝上足三生莊嚴
世界知多少星斗高寒江水清

余行月餘矣身歷邊外山川之險目視夫馬長征之
困慨然有感作烏拉行

蕃兒蠻戶畜牛馬芻豆無須惟放野冬十一月草根枯牛
瘦馬羸脊如瓦土官連日下令符十頭百頭供使者使者
行程逾數千揩把難厭盤蔬寡備載餓糧羸半歲橐裝橐
襠誰能捨天寒山高冰雪堅百步十蹶蹄蹠墮鞍篷橫亂
嘯無聲誰憐倒斃陰崖下我謂蕃兒行且休停車三日吾
覓假艱難聊作烏拉行牛乎馬乎淚盈把

裏塘宣

論胡土克圖不悟東旋感賦

康衛迢迢萬里行崎嶇來往趁冬晴
鑾山竟化千年雪梵寺空懸五丈旌
二三 帝德遠猶同覆載苗頑久自外生成
小臣職在宣傳 恩意天上應聞太息聲

後湘續集卷之三終